

西夏志略

西夏志

西夏志畧卷三

宋

神宗熙寧元年春三月夏主諒祚卒遣使來告
十二月賜夏國主東常詔詎納寨門安遠二砦

經州

按宋史神宗本紀云云

按夏國本傳東常毅宗之

長子母曰恭肅章憲皇后梁以治平四年冬即位時

年七歲梁太后攝政熙寧元年三月遣河北轉運

使刑部郎中薛宗道等來告哀神宗問設楊定事宗

道言殺人者先已執送之矣乃賜詔慰之并諭令上
大首領數人姓名當爵祿之俟崇貴至即行冊禮及
崇貴至云定奉使諒祚常拜稱臣且許以歸治邊孰
戶諒祚遺之寶劍寶鑑及金銀物初定之歸上其劍
鑑而匿其金銀言諒祚可刺帝喜遂擢知保安既而
夏人失經州以為定賣已故殺之至是事露帝薄崇
貴等罪而削定官沒其田宅萬計按王韶傳韶字
子純江州德安人常進士調新安至薄建昌軍司理
衆軍試制科不中客游陝西訪采邊事熙寧元年請

關上平戎策三篇其畧以為西夏可取欲取西夏當
先復河湟則夏人有復背受敵之憂夏人比年攻青
唐不得克萬一克之必併兵南向大掠秦渭之間收
馬於蘭會斷古渭境盡服南山生羌西築武勝遣兵
時掠洮河則隴蜀諸郡當盡驚擾瞎征兄弟其能自
保邪今唃廝囉子孫唯董氈能自立瞎征欺已溫之
徒又法所及各過一二百里其勢豈能與西人抗哉
武威之南至於洮河蘭鄯皆故漢郡縣所謂湟中
浩亶大小榆枹罕土地肥美宜五種者在焉幸於諸

羌瓜分莫相統一此正可並吞而兼撫之時也諸種
既服唃氏敢不歸唃氏則歸河西李氏在吾服掌中
矣且唃氏子孫贍征差盛為諸羌所畏若招諭之使
居武勝或渭源城使糾合宗黨制其部族習用漢法
異時族類雖盛不過一延州孖士彬環州慕恩耳為
漢有時援之助且使夏人所連結策之上也無神宗
異其言召問方略以韶管乾泰鳳經略司機宜文字
按遼史西夏傳興重熙十八年復議伐西宗留其質
正史不遺遣北院樞密副使肅惟信以伐夏告宗六

月夏國遣使來貢留之七月親征八月渡河夏人遁
九月蕭惠為夏人所敗十月招討使耶律敵古率阻
卜軍賀蘭山獲元昊妻及其官屬至遇其軍三秋來
拒殪之詳穩蕭慈氏奴南刺耶律幹里歿於陣十九
年正月遣使問罪於夏夏將汪普等攻之肅城耶律
高家奴等破之汪普破創遁去殺猥貨乙靈紀三月
殿前都點檢蕭迭里得與夏軍戰與三角川敗之招
討使蕭蒲奴北院大王宜新等師師伐夏都部署別
古得為監戰五月蕭蒲奴等入夏境不遇敵縱軍俘

掠而還夏國汪普來降十月李諒祚母遣使乞依舊
稱臣十二月諒祚上表如母訓二十年二月遣使索
党項叛戶五月蕭文括使夏回進掠祚母表乞代党
項權進馬駝牛羊等物又求唐隆鎮仍乞罷所建城
邑以詔答之六月獲元昊妻及俘到夏人置於蘇州
二十一年十月諒祚遣使乞弛邊脣遣支括齋招諭
之二十二年七月諒祚進降表遣林牙高家奴齋諭
撫諭二十三年正月貢方物五月乞進馬駝詔歲貢
之七月諒祚遣使求婚十月進誓表興宗崩遣使報

哀於夏二十四年道宗即位清寧元年遣使來賀九月以先命遣物賜夏四年四月遣使會葬九年正月禁民鬻銅於夏咸雍二年五月來貢三年十一月遣使進圓鵲僧金佛梵覺經十二月諒祚薨四年二月諒祚子秉常遣使報哀即遣使吊祭秉常上其父遣物十月間秉常為夏國王十二月來貢

按夢溪筆談有梁氏者其先中國人為訛唳子婦諒祚私焉日視事於國夜則從諸沒滅氏訛唳懟甚謀伏甲梁氏之宮湏其入以殺之梁氏私以告諒祚乃

使召訛唃執於內室沒藏強宗也子弟族人在外者
八十餘人悉誅之夷其宗以梁氏為妻又命其弟乞
埋為家相許其姪襲諒祚山忍好為亂治平中遂舉
兵犯慶州大順城諒祚乘駱馬張黃屋自出督戍牌
者曠弩射之中乃解圍去劍甚馳入一佛祠有牧牛
兒不得出懼伏佛座下見其脫鞵血漉於踝使人裏
劍舁載而去至其國死子秉常立而梁氏自主國事
熙寧二年春三月秉常上誓表納塞門安遠二砦乞
經州詔許之秋八月夏國請從舊蕃儀詔許之

按宋史神宗本紀云云

按夏國本傳二年二月遣

河南監牧使劉航等冊秉常為夏國王三月夏人入
秦州陷劉溝堡殺苑愿既而進誓表乞班誓詔及請
以安遠塞門二砦易經州初朝議欲官爵夏之首領
計分其勢郭達以為彼必不受詔且彼既恭順宜布
以大信不啻誘之以利秉常果不奉詔遣都羅重進
來言曰上方以孝治天下奈何反教小國之臣叛其
君武於是前議遂罷乃賜誓詔而經州特得二砦迺
還夏主受冊而二砦不歸且欲先經州遣因萌訛

以誓詔來言及趙高往交地萌訛對以朝廷本欲得
二砦地界非所約高曰若然塞門二牆墟耳安用之
遂罷詔城協州八月表請去漢儀復用蕃禮從之十
月遣使來謝封冊

興寧三年秋八月夏人犯大順城知慶州李復圭使
環慶路鈐轄李信等出戰敗績慶州巡檢姚兒敗夏
人於荔原堡冬十一月夏人寇大順城十二月寇鎮
戎軍

按宋史神宗本紀秋八月己卯夏人犯大順城知慶

州李復圭以方畧授環慶路鈐轄李信慶州東路都
巡檢劉甫監押种詠出戰兵少取敗復圭誣信等違
其節制斬信及劉甫种詠死於獄是日慶州檢巡姚
兕敗夏人於荔原堡鈐轄郭慶都監高敏死之冬十
月丙子知慶州李復圭擅興兵敗潰誣裨將李信劉
甫种詠以死御史劾之貶保靜軍節度副使十一月
甲辰夏人寇大順城都監燕達等擊走之十二月庚
午夏人寇鎮戎軍三川砦巡檢趙普伏兵邀擊敗之
按夏國本傳三年五月夏人統十萬築閣訛堡知

慶州李復主合蕃漢兵纔三千遣偏將李信劉甫种
詠等出戰信等訴以衆寡不敵復主威以節制親臨
陣圖方畧授之兵進遂大敗復主懼欲自解即執信
等而取其圖畧命州官李昭用劾以故違節制詠瘦
死獄中斬信甫配流郭主復出兵印州堡夜入欄浪
市掠老幼數百又襲金湯而夏人已去惟殺其老幼
一二百人以功告捷而邊怨大起矣八月夏人遂大
舉入環慶攻大順城柔遠砦荔原堡洎安鎮東谷西
谷二砦業樂鎮兵多者號二十萬少者不下二三萬

屯榆林矩慶州四十里游騎至城下九月乃退鈐轄
郭慶高敏魏慶宗秦勅等死之

熙寧四年春正月种諤襲夏兵囉兀敗之遂城囉兀
三月夏人陷撫寧堡种諤責授汝州團練使潭州

安置

按宋史神宗本紀春正月己丑种諤襲夏兵於囉兀
北大敗之遂城囉兀自是夏人日聚兵為報復計言
者以諤為稔邊患不便庚子韓絳等言种諤領兵入
西界斬獲甚衆詔遣使撫問三月丁亥夏人陷撫寧

堡丙午种諤坐陷撫寧堡責授汝州團練使譚州安
置丁未韓絳坐興師敗歿罷以本官知鄧州夏四月
壬戌遣環慶都鈐轄并墳以兵屯邠涇河中以備西
夏九月庚子夏人入貢 按夏國本傳四年正月种
諤謀取橫山領兵先城囉兀進築永樂川賞迪嶺二
砦分遣都監趙漢燕達築撫寧故城及分荒堆三泉
吐渾川開光嶺葭蘆川西砦與河東路修築各相去
四十餘里二月夏人又來攻順寧砦復圍撫寧折繼昌
高永能等雍兵駐細浮圖去撫寧咫尺囉兀兵勢而

完种諤在經德節制諸軍聞夏人至茫然失措欲作
書召然燕達戰怖不能下筆顧轉運判官李南公涕
泣不已新築諸堡悉陷將士十餘人皆沒初朝識
以諤新築囉兀城去懷德百餘里徧梁險狹難於餽
餉且城中無井泉遣李許張景憲往親之未至而撫
寧陷遂詔棄囉兀城五月燕達以戍卒輜重歸自囉
兀為夏人邀擊達多失亡九月夏遣使入貢且以二
砮易經州乞如舊約詔不允

熙寧五年秋八月王詔復武勝軍冬十一月河州首